

et il Capitolo di la contrà et 16 Jesuati con torzi in man, e fo portato per terra di la chiesa di San Iacomo di l'Orio levato fino a San Marco e per Piazza portato, sonando le campane a San Marco. Veneno poi, *etiam* per terra, per fino ai Frari Menori, dove fo sepulto, non in la sua archa, ma in el chiestro in certa archa di so' parenti da cha'.

Da poi disnar, fo Gran Consejo et fossemo grandissimo numero, zercha 2000 in tutto, come dirò di soto, et fato procurator sier Zacharia Gabriel el consier, el qual, electo, ussi di Consejo e andò a caxa. Et quello seguite ne l'imprestado fu fato, qui sarà notado a eterna memoria; che per far questo procurator fo trovà a imprestado ozi ducati..... milia e donadi ducati....., e ancora numero..... electi nulla prestono; do di li qual è richi et poteva prestar benissimo è più di do altri: sier Hironimo Contarini fo capitano a Padoa, qu. sier Bertuzzi procurator, non fu nominato, nè sier Batista Morexini, fo podestà a Padoa; tutti li altri si.

99* *Questi fono li electi procuratori di San Marco sora le commessarie di ultra canal, in locho di sier Lucha Zen, a chi Dio perdoni, licet butado le tessere di tutti li nominati da li electionarii.*

Sier Domenigo Contarini, fo capitano a Padoa, qu. sier Mafio . 360.1326
Sier Piero Lion, fo consier, qu. sier Simon . 221.1572
— Sier Zacaria Gabriel, el consier, qu. sier Iacomo . 1340. 474
Sier Piero Capello, fo savio dil Consejo, qu. sier Zuan procurator . 321.1459
— Sier Zorzi Emo, savio dil Consejo, qu. sier Zuane el cavalier . 1001. 821
Sier Lorenzo di Prioli, fo consier, qu. sier Piero procurator . 570.1190
Sier Andrea Gusoni è di Pregadi, qu. sier Nicolò . 827. 982
— Sier Alvixe Pixani *dal Bancho*, fo savio dil Consejo, qu. sier Zuane . 1175. 630
Sier Andrea Foscarini, fo al luogo di Procurator, qu. sier Bernardo . 349.1377
Sier Francesco Bragadin savio dil Consejo, qu. sier Alvixe procurator . 569.1214

Sier Alvixe Pasqualigo, fo Cao dil Consejo di X, qu. sier Filippo. 268.1523
Sier Stefano Contarini, fo capitano a Padoa, qu. sier Bernardo . 690. 997
Sier Polo Antonio Miani, fo consier, qu. sier Iacomo . 436.1124
Sier Zacaria Dolfin, fo capitano a Padoa, qu. sier Andrea . 639.1124
Sier Francesco Foscarini el cavalier savio dil Consejo, qu. sier Alvixe, qu. sier Marco procurator . 941. 852
— Sier Marco Donado, fo consier, qu. sier Bernardo . 947. 810
Sier Alvixe da Molin, fo podestà a Padoa, qu. sier Nicolò . 787. 973
Sier Christofal Moro, fo podestà a Padoa, qu. sier Lorenzo . 562.1207
Sier Polo Capello el cavalier, fo savio dil Consejo, qu. sier Vetor. 542.1238
Non. Sier Bernardo Barbarigo, fo consier, qu. Serenissimo.

Queste sono le oferte.

Sier Andrea Gusoni mandò sier Francesco Contarini el cavalier suo cugnado a oferir, per imprestado, ducati 10000.
Sier Andrea Foscarini il fiol mandò, per imprestado, ducati 5000.
Sier Lorenzo di Prioli qu. sier Francesco, so fiol andò, per imprestado, ducati 6000, dona il don.
Sier Alvixe Pasqualigo, sier Francesco so fradelo andò, per imprestado, ducati 5000.
Sier Zorzi Emo, sier Zuane so fiol andò per imprestado, ducati 7000, dona il don.
Et di ducati 6000 et 100 che esso sier Zuane à imprestadi, ne dona a la Signoria ducati 3000 e dona il don, *videlicet* ducati 3000 donadi zà indietro, et ne à portà in contadi ducati 4000 et 500.
Sier Alvixe Pixani, sier Almorò so fradelo e fioli con assa' parenti, e sier Fantin Michiel offerse imprestado e li portò ducati 10000, i qual non vol scontar in alcun credito l'ha.
Et nota. Voleva li soi parenti far lezer le ubligation l'à fato per la Signoria, e li Cai di X veneno a la Signoria et fo terminato per le leze non si potea dir alcuna cossa.
Sier Zacharia Dolfin, andò sier Andrea so fiol, per 100 imprestado, ducati 5000 e dona il don.